

Treoirlíne Airgeadais 2021/2022 - 30

Scoileanna Pobail agus Cuimsitheacha agus Meánscoileanna Deonacha

Socrúithe Íocaíochta do Phearsanra arna Cheapadh ag an Scoil le haghaidh Scrúduithe an Choimisiúin um Scrúduithe Stáit (SEC)

1. Réamhrá
2. Aisíocaíochtaí do Scoileanna
3. Feidhmiú Cánach, ÁSPC agus MSU
4. Réamhíocaíochtaí do Scoileanna
5. Éilimh ar Aisíocaíocht
6. Rátaí Íocaíochta 2021

1. Réamhrá

Is gá do scoileanna:

- íocaíocht a shocrú do phearsanra ceaptha ag an scoil atá i mbun róil scrúduithe.
- taifid a choinneáil ar na gníomhaíochtaí sin; agus
- fáltais a bhailiú uathu siúd a íocadh, le go mbeadh sé níos éasca íocaíocht le haghaidh SEC a éileamh níos déanaí.

Ag deireadh na tréimhse scrúdaithe, ba chóir do scoileanna na costais a thabhaítear do Scrúduithe Stáit 2022 a éileamh ar CSS, lena n-áirítear na Cúntóirí Scrúduithe, gach Feitheoir a cheaptar ag an scoil, Maoir Scrúduithe agus costais ilghnéitheacha.

Tá na foirmeacha agus fáltais ábhartha, lena n-áirítear an fhoirm éilimh Forléargais, leagtha amach in **Aguisín 1** agus tá fáil orthu ar [láithreán gréasáin FSSU](#) agus ar láithreán gréasáin SEC www.examinations.ie faoi: Scoileanna > Ciorcláin/Faisnéis > Feitheoirí, Ionaid, Cuiditheoirí Scrúduithe.

Tabhair do d'aire nach mbeidh foirmeacha éilimh á seoladh ag CSS sa phost chuig scoileanna i mbliana.

Tá na socrúithe íocaíochta leagtha amach i [gCiorclán CSS S32/2022](#), lena n-áirítear na rátaí íocaíochta a bheidh ábhartha ar phearsanra ceaptha ag an scoil agus ar

chostais bhreise eile le haghaidh Scrúduithe 2022.

Ba chóir an ciorclán a léamh in éineacht le Ciorcláin CSS S15/2022 - Scrúduithe (Bunaithe) na hArdteistiméireachta 2022: Scrúdú Béil agus Ceoil agus aon ciorcláin eile a bhaineann le riaradh na scrúduithe.

2. Aisíocaíochtaí do Scoileanna

Déanfaidh Coimisiún na Scrúduithe Stáit na costais a aisíoc i ndáil leis na ról seo a leanas:

- (i) Cúntóirí Scrúdaithe
- (ii) Feitheoirí lae arna gceapadh ag an scoil do na Scrúduithe Praiticiúla, Staidéar Foirgníochta, Innealtóireacht, Nascmhodúil GCAT (LCVP), TFC ATF (LCA ICT); Ríomheolaíocht agus Scrúduithe Cluaise
- (iii) Feitheoirí ceaptha ag an scoil d'ionaid speisialta scrúduithe
- (iv) Maoir Scrúduithe
- (v) Ilghnéitheach: Glantachán agus Airíochas, Trealamh Cosanta Pearsanta, Solas agus Teas
- (vi) Costais iompair a bhaineann le hiarrthóirí ag taisteal chun na scoile le haghaidh scrúduithe thar laethanta saoire na Cásca.

3. Feidhmiú Cánach, ÁSPC agus MSU

Ní mór pearsanra ceaptha ag an scoil a bhfuil baint acu le reáchtáil na scrúduithe stáit a bheith cláraithe le ROS agus an íocaíocht a phróiseáil trí phacáiste párolla ríomhaire na scoile. Is iad na scoileanna aonair atá freagrach as cáin ioncain, ÁSPC agus MSU a riar i gcás na gceapachán thuasluaite agus as aon airgead a asbhaintear ina leith a íoc leis na Coimisinéirí Ioncain.

Clúdaítear ceapachán pearsanra scoile le haghaidh scrúduithe faoi **ÁSPC Aicme J**. Is é is cúis leis seo ná gur fofhostaíocht í obair scrúduithe stáit. Caithfear é seo a dheimhniú faoi shonraí an fhostaí sa phacáiste párolla. Is é an ráta ÁSPC fostóra faoin aicme seo ná 0.5%. Aisíocfaidh Coimisiún na Scrúduithe Stáit an ÁSPC fostóra le scoileanna ag an ráta cuí.

Tá na híocaíochtaí díolmhaithe ón Ranníocaíocht Aoisliúntais Bhreise (ASC).

Lena chinntiú gur féidir an párolla a phróiseáil go tráthúil, moltar na sonraí seo a leanas a fháil ó na fostaithe uile nuair a chuirtear tús lena ndualgais:

- Ainm
- Seoladh
- Dáta Breithe
- Uimhir PSP
- Dáta tosaithe

4. Réamhíocaíochtaí do Scoileanna

Déanfaidh CSS íocaíocht le scoileanna chun díol as cuid de na costais bhreise a bhaineann le Scrúduithe Stáit 2022. Eiseofar é seo chuig scoileanna i mí an Mheithimh agus déanfar é a fhritháireamh leis an éileamh deiridh 2022. Ní thabharfar airleacain d'aon scoil nár chuir tuairisceán isteach chuig CSS sna blianta roimhe seo nó a bhfuil airleacan gan íoc acu.

5. Éilimh ar Aisíocaíocht

Ba cheart do scoileanna an doiciméadú uilig a bhaineann le híocaíochtaí le pearsanra ceaptha ag an scoil do scrúduithe 2022 a choimeád I le linn an phróisis scrúdaithe.

Ní foláir na héilimh uilig a choimeád agus a sheoladh le chéile in aon bheart amháin ag deireadh na gníomhaíochtaí ar fad a bhaineann le scrúduithe 2022.

Is gá na héilimh go léir ar aisíocaíocht **a dhéanamh ar na foirmeacha SEC ábhartha.** [Is gá an Fhoirm Forléargais ilchodach OS 2022](#) a chomhlánú agus a sheoladh ar ais, agus na foirmeacha éilimh comhlánaithe ar fad cuimsithe inti, chuig an Rannóg Airgeadais, Coimisiún na Scrúduithe Stáit, Corr na Madadh, Áth Luain, Co na hIarmhí.

Má bhaintear úsáid as foirmeacha nach foirmeacha de chuid Choimisiún na Scrúduithe Stáit iad, cuirfear an t-éileamh uilig ar ais chuig an scoil. Ní mór gach éileamh ar aisíocaíocht a bheith sínithe ag an bhfaighteoir sa scoil agus ag Príomhoide na scoile. Tabhair do d'aire go gcuirfear ar ais chuig an scoil ina n-iomláine aon éilimh nach bhfuil comhlánaithe go ceart cruinn agus/nó nach bhfuil sínithe.

6. Rátaí Íocaíochta 2022

(i) Cúntóirí Scrúdaithe

Ráta Cúntóirí Scrúdaithe in aghaidh an Lae	€147.65
--	---------

De réir [Chiorclán CSS S32/2022](#) braithfidh líon na laethanta a bheidh ar fáil do Chúntóirí Scrúdaithe, ar líon na n-iarrthóirí sa scoil agus ar an réimse gníomhaíochtaí a theastaíonn chun freastal ar riachtanais na n-iarrthóirí sa scoil sin, mar a leanas::

Cuspóir	Líon Laethanta Uasta
	Laethanta Ar Fáil do Gach Scoil
Scrúdú Taibhiú Praiticiúil Ceoil - Múinteoir Ceoil a meastar go bhfuil a fhreastal riachtanach do thaibhiú na n-iarrthóirí. (Le feiceáil i gCiorclán 15/22) *	Suas le 2 lá
Pleanáil le haghaidh Scrúduithe Stáit agus Scrúduithe Meitheamh	Suas le 15 lá
Suas go 2 lá breise ag scoileanna a bhfuil scrúduithe acu Dé Luain 27 nó Dé Máirt 28 Meitheamh; ceann do gach lá a chaithfidh siad a oscailt.	Suas le 2 lá
Scoileanna a osclaítear ar dhá Dhomhnach i mí an Mheithimh chun soláthar a dhéanamh d'fháil na bpáipéar scrúduithe scríofa (De réir mar is gá; is féidir an ráta 2 lá a éileamh in aghaidh an Domhnaigh)	Suas le 4 lá

Cuspóir	Scoileanna ina bhfuil suas le 120 iarrthóir Ardteistiméireachta	Scoileanna ina bhfuil 120 iarrthóir Ardteistiméireachta nó níos mó
	Líon Laethanta Uasta	Líon Laethanta Uasta
Pleanáil agus Riar na Scrúduithe Béil thar laethanta saoire na Cásca don tréimhse Dé Sathairn 9 Aibreán go Déardaoin 14 Aibreán, 2022 san áireamh (Le feiceáil i gCiorclán S15/2022)	Suas le 8 lá	Suas le 10 lá
	Suas le 300 iarrthóir	300 iarrthóir nó níos mó
Beidh cead ag iar-bhunscoileanna aitheanta a bhfuil 300 iarrthóir scrúdaithe nó níos mó acu le scrúduithe a dhéanamh, lá breise a éileamh do gach 50 iarrthóir sa bhreis	Nialas	Lá amháin do gach 50 iarrthóir breise

Foirm éilimh ábhartha: [Foirm C.S.1 2022 – Cúntóir Scrúduithe 2022](#)

*1 Ní hé an múinteoir ceoil an Cúntóir Scrúdaithe, ach is féidir maoiniú Cúntóir Scrúduithe a úsáid chun na críche seo.

*2 Má bhíonn 300-350 iarrthóir ag scoil, cuir i gcás, féadfaidh an scoil 1 lá breise a éileamh. Is féidir an lá breise as gach 50 iarrthóir breise a éileamh i bhFoirm E.A.1 2022 faoi "Roinn 2(c). Scrúduithe".

(ii) Feitheoirí ceaptha ag an scoil in Ionaid Speisialta

Is iad seo a leanas na rátaí le haghaidh feitheoirí arna gceapadh ag an scoil (lena n-áirítear dualgais Léitheora agus/nó Scríobhaí) d'ionaid speisialta do scrúduithe 2022:

Ráta Feitheora arna cheapadh ag an scoil (neamh-SNA - cúntóir riachtanas speisialta)	€60.80 in aghaidh an tseisiúin
Ráta Feitheora arna cheapadh ag an scoil (SNA)	€46.40 in aghaidh an tseisiúin

Foirm éilimh ábhartha:

[SP1 2022 - Éileamh ar Aisíoc Táillí a íocadh le Feitheoirí arna gceapadh ag an scoil, áit a bhfuil freastal réasúnta i gceist](#)

(iii) Feitheoirí lae arna gceapadh ag an scoil do na Scrúduithe Praiticiúla, Staidéar Foirgníochta, Innealtóireacht, Nascmhodúil GCAT (LCVP), TFC ATF (LCA ICT); Ríomheolaíocht agus Scrúduithe Cluaise

Tá sonraí na socrúithe scrúduithe faoi réir cumarsáide ar leith roimh thús na scrúduithe a liostaítear. Beidh na scrúduithe liostaithe ar siúl i scoileanna ar laethanta scoile,

mar a bhí go dtí 2019. (In 2021, níor reáchtáladh cuid de na tástálacha seo agus reáchtáladh cuid eile ag an deireadh seachtaine as a dtáinig socruithe íocaíochta éagsúla).

Ról Feitheora arna Cheapadh ag an Scoil	Ráta	
Tástálacha Praiticiúla	€121.60	in aghaidh an lae
GCAT Freastal Réasúnta (Neamh-Chúntóir Riachtanas Speisialta)	€60.80	in aghaidh an tseisiúin
GCAT Freastal Réasúnta (Cúntóir Riachtanas Speisialta)	€46.40	in aghaidh an tseisiúin
Scrúduithe Cluastuisceana Ardteistiméireachta/Teastais Shóisearaigh	€60.80	in aghaidh an tseisiúin
An Ardteistiméireacht Fheidhmeach (Le haghaidh Gaeilge Chumarsáideach, & Teangacha (Bliain 1) Teicneolaíocht Faisnéise (Bliain 2)	€60.80	in aghaidh an tseisiúin

Foirm éilimh ábhartha:

[Foirm P1 2022 – Éileamh ar Aisíocaíocht Táillí a íocadh ar LCVP/ Ríomheolaíocht/Ábhair LCA Liostaithe/Cluastrialacha](#)

Tabhair do d'aire: Ní bheidh íoslíon seisiún iníoctha le feitheoirí i mbliana. Ní cheadófar dóibh éileamh a dhéanamh ach amháin i leith na seisiún a rinne siad feitheoireacht orthu i ndáiríre.

(iv) Maoir Scrúduithe

Ainmníonn an scoil daltaí le bheith ina maoir, a chabhróidh leis na Feitheoirí i rith na scrúduithe.

Ba chóir maoir a cheapadh ar bhonn maor amháin in aghaidh an príomhionaid scrúdaithe. Caithfidh maoir ionaid speisialta a bheith faofa ag Rannóg um Shocrú Réasúnta de chuid CSS.

Ba chóir íocaíochtaí le maoir a phróiseáil trí phárolla na scoile, ag Aicme J nó Aicme M dóibh siúd atá faoi bhun 16 bliana d'aois.

Is é is dóichí ná go mbeidh rátaí cánach éigeandála i bhfeidhm más amhlaidh nár chláraigh an maor leis na Coimisinéirí loncaim roimhe seo. Chun é sin a sheachaint, ba cheart do na maoir clárú le MyAccount ar láithreán gréasáin na gCoimisinéirí loncaim agus an scoil a chlárú mar a bhfostóir.

Le go mbeadh na maoir in ann amhlaidh a dhéanamh, moltar clárúimhir chánach na scoile a thabhairt dóibh. I gcás nach bhfuil siad cláraithe, féadann siad aon cháin a asbhaineadh a aisghabháil ach logáil isteach in MyAccount ar láithreán gréasáin na gCoimisinéirí loncaim agus “Aisíocaíocht Dífhostaíochta a Éileamh” a roghnú ar an gcárta seirbhísí ÁSPC.

Leagfar amach i mbileog ama na maor na rátaí atá i bhfeidhm. Tabhair do d'aire, má íoctar ÁSPC fostóra de .5% (Aicme J), ba cheart é sin a scríobh ag bun na foirme

agus a chur leis an aisíocaíocht atá á héileamh.

Foirmeacha éilimh ábhartha:

[Bileoga Ama na Maor - Os cionn 18 mbliana d'aois](#)

[Bileoga Ama na Maor - Faoi bhun 18 mbliana d'aois](#)

(v) Costais Ilghnéitheacha

Breithneoidh CSS ar éilimh ó scoileanna ar chostais bhreise réasúnta a tabhaíodh go sonrach chun oscailt scoile, airíochas agus, faoi réir na cáilíochta thíos, glantachán/sláintíocht agus soláthar TCP a chinntiú ag an gCáisc, agus glantachán/sláintíocht bhreise agus soláthar TCP do scrúduithe an Mheithimh.

NB: Déanfaidh CSS costais bhreise réasúnta a tabhaíodh go sonrach maidir le glantachán/sláintíocht agus TCP laistigh de scoileanna leis na scrúduithe i mí an Mheithimh 2022 a aisíoc le scoileanna, ar choinníoll go bhfuil an íocaíocht chaipitíochta COVID-19 a chuir an Roinn Oideachais ar fáil caite.

Costais Ilghnéitheacha	Treoir
Teas/Soilsiú	Bunaithe ar sciar réasúnta de bhillí conláiste le linn tréimhse na scrúduithe agus ar an líon seisiún scrúdaithe a bheidh ar siúl sa scoil thar laethanta saoire na Cásca.
Airíochas	Bunaithe ar rátaí pá comhaontaithe sa scoil le haghaidh Scrúduithe a reáchtálfar sa scoil thar laethanta saoire na Cásca a chlúdach.
Glantachán (Féach NB thuas)	Bunaithe ar rátaí pá comhaontaithe sa scoil
Táirgí glantacháin Díghalrán lámh	Táirgí glantacháin agus díghalrán lámh a úsáidtear go sainiúil le haghaidh na scrúduithe

Foirm éilimh ábhartha: **Faoi Chuid 3 'Costais Ilghnéitheacha'**

[Foirm OS 2022 – Foirm Éilimh Forléargais Scoileanna](#)

(vi) Costais iompair a bhaineann le hiarrthóirí ag taisteal go dtí na scoileanna le haghaidh scrúduithe thar laethanta saoire na Cásca

Iarradh ar scoileanna freastal iarrthóirí a éascú, a bheadh ag déanamh scrúduithe thar laethanta saoire na Cásca, agus chuige sin, seirbhísí tacsáí a úsáid sna cúinsí teoranta seo a leanas. Bheadh gá na critéir seo a leanas a bheith comhlíonta ag na hiarrthóirí:

- a bheith incháilithe le haghaidh iompair scoile faoi théarmaí Scéim Iompair Scoile na Roinne, agus
- ag baint leasa as iompair scoile sa scoilbhliain reatha nach raibh seirbhísí iompair ar fáil dóibh le linn na tréimhse **ó Dé Sathairn 9 Aibreán go Déardaoin 14 Aibreán 2022 san áireamh,**

- a bheith ag freastal ar scrúdú le linn na tréimhse seo, rud ba cheart a bheith curtha san áireamh agus iarrthóirí á sceidealú.

Déanfaidh SEC scoileanna a aisíoc as costais réasúnta a leithéid sin de sheirbhísí má chuireann siad fáiltais bhailí ar fáil.

Foirm éilimh ábhartha: **Faoi Chuid 3 ‘Costais Ilghnéitheacha’**

[Foirm OS 2022 – Foirm Éilimh Forléargais Scoileanna](#)

7. Scoileanna ag a bhfuil táillí

Tá suíomhanna scrúdaithe (m.sh. coláistí príobháideacha) nach bhfuil maoinithe ag an Státchiste tríd an Roinn Oideachais freagrach as a gcostas féin a bhaineann le planáil agus riaradh na Scrúduithe Stáit. Cé nach bhfaighidh na suíomhanna oideachais seo maoiniú ón CSS le haghaidh Cúntóir Scrúdaithe nó le haghaidh aon cheann de na costais ilghnéitheacha a leagtar amach sa chiorclán seo, tá siad i dteideal éileamh a dhéanamh ar chostas na bhFeitheoirí agus na Maoir Scrúduithe atá ceaptha ag an scoil.

8. Fiosruithe

Ba cheart aon fiosruithe a chur chuig Rannóg Airgeadais Choimisiún na Scrúduithe Stáit ag na huimhreacha gutháin 090 - 644 2880 / 2801 / 2847 nó i ríomhphost chuig schoolspayable@examinations.ie.

Is féidir tuilleadh eolais nó soiléiriú a fháil ar aon cheann de na saincheisteanna sa Treoirlíne seo ach dul i dteagmháil le FSSU.

Guthán: 01-269 0677

info@fssu.ie

An 16 Bealtaine 2022

Aguisín 1

Foirmeacha ar fáil ar www.examinations.ie (faoi: Scoileanna > Ciorcláin/Faisnéis > Feitheoirí, Ionaid, Cuiditheoirí Scrúduithe) agus ar [láithreán gréasáin FSSU](#) mar atá liostaithe thíos.

- [OS 2022 - Foirm Éilimh Forléargais Scoileanna](#)
- [Foirm C.S.1 2022 – Cúntóir Scrúduithe 2022](#)
- [Foirm P1 - GCAT/Ríomh. Eolaíocht/Ábhair ATF/Cluastuisceana/Measúnú Inniúlachta.](#)
- [Foirm SP1 - Feitheoirí nuair a bhíonn freastal réasúnta i gceist](#)
- [Bileog Ama an Mhaoir - Os cionn 18 mbliana d'aois](#)
- [Bileog Ama an Mhaoir - Faoi bhun 18 mbliana d'aois](#)

Aguisín 2

Cúntóirí Scrúdaithe	€147.65	in aghaidh an lae
----------------------------	---------	-------------------

Feitheoirí		
Freastal Réasúnta: (Ráta do Dhaoine nach Cúntóirí Riachtanas Speisialta iad)	€60.80	in aghaidh an tseisiúin
Freastal Réasúnta: (Ráta do Chúntóirí Riachtanas Speisialta)	€46.40	in aghaidh an tseisiúin
Tástálacha Praiticiúla	€121.60	in aghaidh an lae
Ríomheolaíocht/GCAT Freastal Réasúnta (Neamh-Chúntóir Riachtanas Speisialta)	€60.80	in aghaidh an tseisiúin
Ríomheolaíocht/GCAT Freastal Réasúnta (Cúntóir Riachtanas Speisialta)	€46.40	in aghaidh an tseisiúin
Scrúduithe Cluastuisceana Ardeistiméireachta/Teastais Shóisearaigh	€60.80	in aghaidh an tseisiúin
An Ardeistiméireacht Fheidhmeach (Le haghaidh Gaeilge Chumarsáideach, & Teangacha (Bliain 1) Teicneolaíocht Faisnéise (Bliain 2)	€60.80	in aghaidh an tseisiúin